

खबरां

- प्रधानमंत्री नरेंद्र मोदी होरें वाराणसी च 6 जहार 300 करोड़ रपे दी विकास परियोजनाएं चा किश दा उद्घाटन ते किश दा नीह पत्थर रक्खेआ। उनें आखेआ जे स्हाड़ी नारीशक्ति विकसित भारत दा लक्ष्य हासल करने लेई सभनें शा मजबूत थम्म ऐ।
- प्रधानमंत्री होरें सिक्किम दी राजधानी गंगटोक च 4 जहार करोड़ रपे दिएं विकास परियोजनाएं दा उद्घाटन ते नीह पत्थर रक्खेआ, मोदी होरें सिक्किम दे नौजवानें दी खेडू प्रतिभा दी सिफ्त कीती ते प्रकृतिक राईबाई च राज्य दे योगदान दी सराहना कीती।
- शंघाई सहयोग संगठन-एस.सी.ओ. दे रक्षा मंत्रिण दी बैठक च राजनाथ सिंह होरें आतंकवाद बक्खवाद ते उग्रवाद कन्नै निब्बड़ने लेई किट्टे रलियै कम्म करने दा आह्वान कीता।
- सूचना ते प्रसारण मंत्री अश्विनी वैशणव होरें अज्ज विशाखापत्तम च गूगल क्लाउड इंडिया ए.आई हब दा नीह पत्थर रक्खेआ।
- पच्छिम बंगाल च कल होने आहले विधानसभा चुनां दे दुए ते खीरी गेड़ दे मतदान लेई सब्बे बंदोबस्त करी लैते गेदे न।
- आई.पी.एल च हुनै कोला किश चिर मगरा पंजाब किंग्स ते राजस्थान रायल बंशकार मकाबला चंडीगढ़ च शुरू होग।
- मौसम विभाग नै उत्तर ते पूर्वोत्तर राज्यें च अगले 2 दिनें दरान अंधी झक्खड़ ते बरखा दी पेशगोई कीती ऐ।

<><><><><><>

PM-Varanasi

प्रधानमंत्री नरेंद्र मोदी होरें वाराणसी दे अपने 2 दिनें दे दौरे दरान 6 जहार 300 करोड़ रपे दी विकास परियोजनाएं चा किश दा उद्घाटन कीता ते किश दा नीह पत्थर रक्खेआ। एहदे कन्नोकन्नी उनें 2 नमिणें अमृत भारत एक्सप्रेस रेल गड्डिणें गी बी झंडी दस्सियै रवाना कीता जिंदे च बनारस पुणे हडपसर ते अयोध्या मुम्बई लोकमान्य तिलक टर्मिनस शामिल न। इस दरान मोदी होर इक नारी शक्ति वंदन कार्यक्रम च बी शामिल होए जित्थै उनें आखेआ कि मैं इत्थे नारी शक्ति दा शीरवाद हासल करने लेई आया ह। मोदी होरें आखेआ कि स्हाड़ी काशी माता श्रृंगार गौरी, माता अन्नपूर्णा, माता विशालाक्षी, माता संकठा ते मां गंगा ज्नेइणें दिव्य शक्ति दी भूमि ऐ।

<><><><><><>

PM-Sikkim

प्रधानमंत्री नरेंद्र मोदी होरें गंगटोक च 4 जहार करोड़ रपे दी केई विकास परियोजनाएं दा उद्घाटन ते नीह पत्थर रक्खेआ। गंगटोक दे पालजोर स्टेडियम च राज्य दे 50में स्थापना दिवस समारोह गी संबोधित करदे होई उनें सिक्किम गी पूर्व दा स्वर्ग आखेआ। पूर्वोत्तर गी राष्ट्र दी अष्टलक्ष्मी दस्सदे होई मोदी होरें आखेआ जे चला'रदी ते औने आहिलियें परियोजनाएं इस खेत्तर दे लोकें दे जीवन च

महत्वपूर्ण बदलावलेआगा। कार्यक्रम दरान उनें पूर्वोत्तर च 6 क्रिकेट अकैडमियें दा बी ऐलान कीता। प्रधानमंत्री होरें राज्य दी अपार पर्यटन क्षमता दा बी जिक्र कीता। सिक्किम दे युवाएं गी प्रशंसा करदे होई प्रधानमंत्री होरें आखेआ जे उनें फुटबाल, मुक्केबाजी ते तीरंदाजी जनेहू खेड्डें च अपनी प्रतिभा प्रदर्शन कीता ऐ। उनें आखेआ जे जैविक ते प्राकृतिक राईबाई च सिक्किम दी सैलसफा पूरे देश लेई इक मिसाल ऐ।

<><><><><><>

Rajnath-SCO Meet

रक्षा मंत्री राजनाथ सिंह होरें अज्ज आतंकवाद, बक्खवाद ते उग्रवाद कन्नै निब्वडने लेई किट्टे रलियै कम्म करने दा आह्वान कीता ऐ। उनें आतंकवाद लेई सुरक्षित पनाहगाह खत्म करने ते कुसै बी सियासी अपवाद गी खारिज करने बारै गल्ल कीती। किर्गिस्तान दे विश्केक च लग्गी दी सीमा पार आतंकवाद बारै शंघाई सहयोग संगठन दे रक्षा मंत्रियें दी बैठक च उनें आक्खेआ जे कुसै बी मुख्य आस्सेआ प्रायोजित बन्ने पारा आतंकवाद जेहूडा कुसै बी मुख्य दी संप्रभुता पर हमला करदा ऐ, गी नजरअंदाज नेई कीता जाना लोडचदा। उनें आक्खेआ जे आतंकवाद गी लेइयै दोहरे मापदंड लेई कोई थाहर नेई ऐ। पहलगाम च होए दे आतंकवादी हमले दे पीडितें गी चेत्ता करदे होई श्री सिंह होरें आक्खेआ जे आपरेशन सिंदूर दौरान भारत नै अपने पक्के धेइयै गी दस्सी दिता हा जे आतंकवाद दे गढ़ हून सजा कोला बची नेई सकदे। उनें आक्खेआ जे आतंकवाद दी कोई राष्ट्रीयता या विचारधारा नेई ऐ ते मुख्य गी इस खतरे खलाफ सख्त ते किट्टे रवैया अपनाना लोडचदा ऐ।

<><><><><><>

Vaishnav

सूचना ते प्रसारण मंत्रीद अश्विनी वैशणव होरें आंध्र प्रदेश दे मुख्मन्त्री एन. चंद्रबाबू नायडू हुंदे कन्नै अज्ज विशाखापत्तनम च गूगल क्लाउड इंडिया ए.आई हब दा नीह पत्थर रक्खेआ। इस मौके उप्पर बोलदे होई केंद्री मंत्री होरें आखेआ जे देश बड्डे पैमाने पर इलेक्ट्रानिक्स विनिर्माण, सेमीकंडक्टर उत्पादन, उन्नत चिप डिजाइन ते ए.आई प्रौद्योगिकी च लगातार अगगे बधा'रदा ऐ।

<><><><><><>

Mandaviya-Women

श्रम ते रोजगार मंत्री मनसुख मंडाविया होरें आखेआ ऐ जे कम्म-काजें च महिलाएं दी बरोबरी दी शमूलियत इक समाजी लाजमियत बी ऐ ते आर्थिक जरूरतै बी। उनें आक्खेआ जे महिला सशक्तिकरण, विकसित भारत दे निर्माण दा केन्द्र बिन्दु ऐ। अज्ज नमीं दिल्ली च इक कार्यक्रम च मांडविया होरें आखेआ जे प्रधानमंत्री नरेन्द्र मोदी हुंदी अगुवाई च नमें श्रम कानूनें च पैहली बारी गिग ते प्लेटफार्म कम्मगारें गी औपचारिक मान्यता दिती गेई ऐ। उनें आखेआ जे एह ऐतिहासिक गैह उनें'गी समाजी सुरक्षा उपलब्ध करोआइयै उंदे आर्थिक भविक्ख गी सुरक्षित करने दा इक जतन ऐ। केन्द्री मंत्री होरें जानकारी दिती जे महिला श्रम बल दी हिस्सेदारी दर 2017-18 च 23 प्रतिशत शा बधियै 2025 च 40 प्रतिशत होई गेई ऐ जेहडी जे इक दिल बधाने आहली गल्ल ऐ कि मुख्यै च नारी शक्ति दी समर्थ दा राष्ट्र दे आर्थिक सशक्तिकरणद च इस्तेमाल होआ'रदा ऐ।

Salim

गैंगस्टर दाउद इब्राहिम दे नेडमें सहयोगी ते कुख्यात ड्रग तस्कर मोहम्मद सलीम डोला गी अज्ज बडुलै भारत लेआंदा गेआ। गृह मंत्री अमित शाह होरें दस्सेआ जे नार्कोटिक्स नियंत्रण ब्यूरो नै तुर्कीए थमां सलीम डोला दी वापसी यकीनी बनाने च बड़ी सफलता हासल कीती ऐ। शाह होरें सोशल मीडिया पोस्ट च आखेआ जे मोदी सरकार दे ड्रग तस्करें गी कुचलने दे अभियान तैहत देश दिएं एजेंसिएं वैश्विक एजेंसिएं कन्नै मिलियै बन्ने पार बी अपनी पकड़ मजबूत करी लैती ऐ।

<><><><><><>

W.B Poll Prep.

पच्छिम बंगाल च विधानसभा चुनां दे दुए ते खीरले गेड़ दे मतदान लेई लोडचदे सब्बै इंतजाम करी लैते गेदे ना। इस गेड़ तैहत कल 29 अप्रैल गी 142 विधानसभा सीटें लेई वोट पोआए जाडन। मतदान बडुलै 7 बजे शुरू होग ते संझा 6 बजे धोड़ी जारी रौहग। इनें 142 सीटें च उत्तर कोलकाता, दक्खन कोलकाता, हावड़ा, नादिया, उत्तर 24 परगना, दक्खन 24 परगना, हुगली ते पूर्वी बर्धमान समेत 8 चुनावी जिले शामिल ना। मतदान पूरी चाल्ली सुरक्षित ढंगनै करोआना जकीनी बनाने लेई सुरक्षाबलें दी तैनाती कीती गेदी ऐ। संवेदनशील ते गड़बड़ी दी शेंका आहले इलाकें च चेचे तौरा पर निगरानी रखी जा'रदी ऐ। चुनां अमले नै अपने-अपने पोलिंग बूथें दी कमान साम्भी लैती दी ऐं चुनां आहले इलाकें च सरकारी दफ्तरें, स्कूलें ते होरनें संस्थानें च कल कल आम छुट्टी घोशित कीती गेदी ऐ। इस गेड़ लेई कुल योग्य मतदाताएं दी गिनतरी 3 करोड़ 20 लक्ख ऐ जिंदे चा 1 करोड़ 50 लक्ख महिलां ते 792 किन्नर मतदाता ना। चुनां मैदान च खड़ोते दे मेदवारें दी गिनतरी 1 ज्हार 448 ऐ जिंदे च 220 महिला मेदवार ना। केंद्री बलें दिएं 2 ज्हार 321 कंपनिएं दे अलावा 142 आम निगरान, 95 पुलस निगरान ते 100 खर्चे अखराजातें सरबन्धी निगरान तैनात कीते गेदे ना।

<><><><><><>

Shivraj-PMGSY

केंद्री राईबाई ते करसान कल्याण मैहकमे दे मंत्री शिवराज सिंह चौहान होरें अज्ज श्रीनगर दे शेर-ए-कश्मीर कन्वेंशन सेंटर च इक खास प्रोग्राम दरान प्रधानमंत्री ग्रामीण सड़क योजना PMGSY-4 दे दुए गेड़ तैहत 3 ज्हार 550 करोड़ रुपें दियां शड़क परियोजनाएं गी रम्भ कीता। इस मौके प्रदेश दे मुख्यमंत्री उमर अब्दुल्ला होर बी मजूद हे। कार्यक्रम दरान बोलदे होई केंद्री मंत्री होरें आखेआ जे जम्मू-कश्मीर दे ग्राएं-मोहडें च सड़कें दा तगड़ा नेटवर्क न शड़ा संपर्क बढाग सगुआं विकास, कम्म-रोजगार ते लोकें दी भलाई-बेहतरी दे रस्ते बी खोलग। श्री चौहान होरें आखेआ जे प्रधानमंत्री नरेंद्र मोदीद हुंदी दूरै दी सोच आहली अगुवाई च जम्मू-कश्मीर दे उज्जवल भविक्ख ते खुशहाली दा लैते गेदा संकल्प लगातार निगार होआ करदा ऐ। एहदे अलावा महिलाएं गी बाख्तियार ते आत्मनिर्भरता गी बढावा देने लेई राश्ट्री ग्रामीण आजीविका मिशन तैहत 24 राज्यें ते केंद्र शासत प्रदेशें गी 4,568 करोड़ रुपे जारी कीते गे।

<><><><><><>

जम्मू ते श्रीनगर बश्कार सिद्दी वंदे भारत एक्सप्रेस सर्विस रम्भ करने दियां तैयारियां जोरें-शोरें कन्नै जारी ना। एहू सेवा 30 अप्रैल थमां रम्भ होने आहली ऐ। एहू प्रस्तावित सेवा कटरा ते श्रीनगर बश्कार चला'रदी मौजूदा वंदे भारत एक्सप्रेस दा विस्तार होग। सीनियर डिविजनलद कमर्शियल मैनेजर उचित सिंघल हुंदे मताबक बर्फ ते ठंडे मौसम गी झेलने आहली डजैन कीते गेदी इस रेल च 20 कोच होडन ते एहू तकरीबन 1400 यात्रुएं गी लेई जाई सकोग। इस रेल गड्डी दे रम्भ होने कन्नै इलाके च सैलसफे गी बढावा थहोने दी मेद ऐ।

<><><><><><>

IPL

आई.पी.एल च अज्ज पंजाब किंग्स दा मकाबला राजस्थान रायल्स कन्ने शुरू होने आहला ऐ। मैच हुनै कोला किश चिर मगरा ठीक साड्डे 7 बजे शुरू होग। हुनै कोला किश चिर पैहले राजस्थान दी टीमै टास जित्तिया ते पैहले गेंदबाजी करने दा फैसला लैता ऐ।

<><><><><><>

Delhi Assembly Session

दिल्ली दी मुख्मन्त्री रेखा गुप्ता होरें अज्ज दिल्ली विधानसभा दे इक रोजा विशेष सत्र दौरान नारी शक्ति वंदन कानून गी लागू करने बारै सरकार दा प्रस्ताव पेश कीता। विधानसभा च बोलदे होई मुख्मन्त्री होरें आक्खेआ जे नारी शक्ति वंदन कानून गी महिलाएं दे सशक्तिकरण ते लोकतांत्रिक नुमायंदगी बधाने लेई संसद च पेश कीता गेआ हा, पर विरोधी पार्टिं इसी रोकी दित्ता। विपक्ष दी ओछ्ही सियासत दी निंदेआ करदे होई उनें आक्खेआ जे असैम्बली इस बिल दा सोआगत करदी ऐ ते इसी लागू करने दा समर्थन करदी ऐ।

<><><><><><>

Weather

मौसम विभाग नै अगले दौं दिनें तगर असम ते मेघालय च भारी बरखा दी पेशगोई कीती ऐ। अरुणाचल प्रदेश, केरल, माहे, नागालैंड, मणिपुर, मिजोरम, त्रिपुरा, पच्छिम बंगाल ते सिक्किम च कल भारी बरखा पौने दे असार दस्से गे ना। हिमाचल प्रदेश, अंदरूनी कर्नाटक ते उत्तराखंड च कल अंधी-झक्खड़ बरखा ते ऐहू न- गड़ा पौने दे बी असार ना। तोआंई दिल्ली, पंजाब, हरियाणा, चंडीगढ़, झारखंड, बिहार, छत्तीसगढ़, ओडिशा, पूर्वी उत्तर प्रदेश ते लद्दाख च कल अंधी-झक्खड़ पौने दे असार ना। जम्मू-कश्मीर, मध्य प्रदेश, पच्छिम बंगाल दे गंगा दे इलाके, तटीय आंध्र प्रदेश, राजस्थान, तेलंगाना, केरल, माहे, कर्नाटक, रायलसीमा, तमिलनाडु, पुद्दुचेरी, कराईकल, विदर्भ, पच्छिम बंगाल दे तराई इलाके ते सिक्किम च बी इससै चाल्ली दियां परिस्थितियां दिक्खने गी लब्भडन।

<><><><><><>

Weather

जम्मू खित्ते दे मैदानी इलाकें च पिछले किश दिनें थमां बड़ी मती गर्मी पवा'रदी ही ते तापमान बी 40 डिग्री तगर पुज्जी गेदा हा, पर अज्ज बडुलै बदलौखड़े मौसम ते हल्की फोहार नै लोकें गी तेज गर्मी थमां थोड़ी राहत पजाई। मौसम विभाग नै अज्ज ते कल किश इलाकें च हल्की बरखा, बिजली चमकने ते अंधी चलने दी पेशगोई कीती ऐ। 30 अप्रैल ते 2 मई दे बश्कार मौसम आमतौरा पर खुशक गै रौहगा। एहदे मगरा 3 मई शा 5 मई तगर खित्ते दे मते सारे इलाकें च हल्की बरखा पौने दी पेशगोई कीती गई ऐ।

<><><><><><>

Govt. Heatwave Advisory

सरकार ने राज्यें ते केन्द्र शासित प्रदेशें गी बधदे तापमान ते गर्मी दे माड़े असर थमां कम्मगारें ते मजदूरें गी बचाने लेई राष्ट्रव्यापी परामर्श जारी कीते न। राज्यें गी सलाह दिती गई ऐ जे ओह सुरक्षा उपाएं गी फौरी तौर पर लागू करने लेई कर्मियें, उद्योगें ते निर्माण कंपनियें गी लोड़चदे निर्देश जारी करना। श्रम ते रोजगार मंत्रालय नै राज्यें ते केन्द्र शासित प्रदेशें दे मुख सचिवें ते प्रशासकें गी आखेआ ऐ जे ओह पीने आहले पानी दी लोड़चदी स्थूलतां यकीनी बनान ते विश्राम आहली थाहें गी ठण्डा रक्खने दे इंतजाम उपलब्ध करोआन। कम्मगारें दी नियमित सेहत जांच लेई सेहत विभाग कन्नै तालमेल बनाइयै कम्म करने दी बी गुजारिश कीती गई ऐ। निर्माण कम्में च लगगे दे कम्मगारें, दिहाड़ी पर कम्म करने आहले मजदूरें ते आरजी कम्मगारें पर चेचे तौर उप्पर ध्यान देने दी सलाह दिती गई ऐ। कर्मचारी राज्य बीमा निगम ते श्रम कल्याण महानिदेशालय गी गर्मी दे मामलें लेई विशेष हेल्प डेस्क कायम करने लेई आखेआ गेआ ऐ। एहदे अलावा उनें'गी ओआरएस, आइस पैक ते होर दूई एहतियाती चीजें दा लोड़चदा भंडार यकीनी बनाने लेई बी आखेआ गेआ ऐ।

<><><><><><>